

## Kako od plastenika izdržavati porodicu?

Niko od članova porodice Raseme Pjanić iz Gornje Zenice, naselja koje se nalazi nadomak jednog od najvećih industrijskih centara u Bosni i Hercegovini nije zaposlen. Rasema, njen muž i dvojica punoljetnih sinova nisu mogli dobiti posao u nekom od zeničkih preduzeća, a kako raspolažu sa samo 2 duluma zemljišta, njihove mogućnosti za bavljenje poljoprivredom su također ograničene. Pjanići ipak nisu pristali da budu socijalni slučajevi, te su iskoristili jedan od povoljnih kredita Partner mikrokreditne fondacije i u blizini porodične kuće postavili 4 plastenika površine po 100 kvadratnih metara, i u njima proizvode različite kulture.



Slika 2: Rasema Pjanić

U Raseminim plastenicima rastu luk, salata, špinat i nekoliko vrsta cvijeća, a u toplijem dijelu godine Pjanići u svojim pokrivenim vrtovima uzgajaju paradajz, papriku i ostalo sezonsko povrće. Sve što ubere, Rasema Pjanić i proda na lokalnoj pijaci, tako da nema nikakvih problema sa plasmanom svojih proizvoda. Od ostvarenog prihoda živi ova četveročlana porodica, i bez većih teškoća uspijevaju vratiti kreditne rate. Partner MKF je već godinama stalni pratilac svih njihovih aktivnosti.

*«Do sada sam koristila čak 7 Partnerovih kredita, u početku u manjim iznosima, i postepeno sam došla do skoro pola duluma pod plastenicima. Bez njih bi sve ovo bilo nemoguće ostvariti i mi smo najbolji primjer da se od vlastitog rada, uz određenu finansijsku podršku, ipak može živjeti»,* ističe Rasema Pjanić.

O rečenom svjedoči činjenica da je Rasema još 2007. godine zahvaljujući robnom kreditu uzetom od Partner mikrokreditne fondacije, postavila dva plastenika, a kasnije odvojeno i ostala dva. Što se tiče plastične proizvodnje Pjanići smatraju da su postigli optimalan nivo, i u tom dijelu se za sada ne planiraju širiti.

Gospođa Rasema najavljuje da će sljedeći Partnerov kredit iskoristiti za kupovinu krave, a namjerava se i ozbiljnije početi baviti tovom pilića. Tako će u budućnosti njene stalne mušterije na štandu zeničke pijace, uz više vrsta sezonskog povrća, moći kupiti i svježe mlijeko i meso.